

第七五七册

經濟彙編

戎政典

兵略部

三〇一三二
(卷)

古今圖書集成

中華書局影印

古今圖書集成

中華書局影印



欽定古今圖書集成經濟彙編戎政典

第二百卷目錄

兵略部彙考九十八

親征平定朔漢方略七

戎政典第二百卷

兵略部彙考九十八

親征平定朔漢方略七

七月甲申朔郎中格什等奏報巴圖爾額爾克濟農遁走格什等奏言^臣等至寧夏會同將軍尼雅漢等率領西安滿兵全軍總兵官一員酌帶綠旗官兵四千因途徑窄隘恐難並驅定議將軍尼雅漢親率兵四千出汝吉口往覓巴圖爾額爾克濟農副都統柏天郁總兵官馮德昌等率兵四千出大威口圍截巴圖爾額爾克濟農住居西北及到口駐扎之日守口兵報稱口外附近居住巴圖爾額爾克濟農人內有四人來見拆邊牆即廻馬飛馳而去^臣等隨星夜前追及之於阿里渾烏素之地令巴圖爾額爾克濟農跪宣

聖旨巴圖爾額爾克濟農言我為噶爾丹所敗來歸皇上給臣以賀蘭山陰之地安插皆沐皇恩得以聊生今將置我等於察哈爾之地值此

臣妄作之時難以遷徙聞大兵來折邊牆恐將討我是以逃避^臣等諭之曰大兵之來非討汝也因遷移汝等恐途中喀爾喀侵擾兼有盜賊故率兵而來乃欲送至歸化城也汝等妄動豈不悖哉雖經委曲勸諭而伊等竟不遵

旨^臣等隨遣人報將軍親率前鋒及頭隊兵來彼一聞聲息即乘馬遁去巴圖爾額爾克濟農又遣其蘭木扎木巴寨桑鄂木布至將軍所言我等居此游牧已久復徙至察哈爾地方實為未便我今往西喇布里圖水上以待將軍明日再請相見也將軍隨遣來使蘭木扎木巴寨桑鄂木布及筆帖式年圖等追及巴圖爾額爾克濟農告之曰我率兵來非征討也因汝等往徙恐途中喀爾喀擾害又有盜賊將送至歸化城也濟農言我來已遠不便回去請在前有水之地候見語畢即飛馳而去年圖歸告將軍將軍即分兵為三隊追之追至西喇布里圖日暮將宿^臣等言巴圖爾額爾克濟農不從

聖旨不肯遷移而逃當乘夜追及誅之今宿此地次日往追則難及矣將軍不聽次日追三十餘里仍回至西喇布里圖而宿^臣等言如此進追何以能及當遣人馬星馳電掣庶克有濟將軍復不聽至第三日踰西喇布里圖以外百餘里至庫克布里圖度不能及遂率兵還將軍查交^臣等數目所殺尼魯特百餘人俘獲一百二十八人馬一百八十四匹駱駝四十二頭除兵丁所食牛羊外現存牛一百五十八頭羊一萬五千餘

隻降人噶爾日多爾濟所屬納木喀班爾蘭木扎木巴五十餘戶又有喀爾喀之白蘇忒察罕巴爾族弟伊爾登和碩齊格寧兄弟四人率百餘戶來降言前者土謝圖汗征噶爾丹我等投入土謝圖汗與噶爾丹戰敗逃來察罕巴爾等舍我等而先來歸

皇上欲至賀蘭山捕獵近邊覓糧度日居巴圖爾濟農所今濟農違

聖旨不肯遷移棄之而走我等何故從彼去乎是以我等爾此求歸

皇上冀與我兄白蘇忒之墨爾根濟農索諾木扎卜完聚一處安插^臣等視巴圖爾額爾克濟農所走蓋望西而去矣據此^臣格什往甘州等處地方^臣二郎保往涼州等處地方探視巴圖爾額爾克濟農駐牧之地奏入得

旨議政大臣集議議將安插巴圖爾額爾克濟農原由及違

旨奔遁情事著理藩院檄嘉哈關坐探員外本什曉諭西海諸台吉郎中格什員外郎二郎保既往甘州涼州等處探視巴圖爾額爾克濟農蹤跡應俟探明時另行議奏伊爾登和碩齊等應著理藩院差官令其內徙歸併墨爾根濟農索諾扎卜其納木喀班爾等亦令暫往歸化城附近地方聽該部酌議安插所俘一百二十八人作何安置亦聽該部議奏所獲馬駝牛羊令交遷移伊爾登和碩齊人員均勻給還原被劫之喀爾喀丹津額爾德尼等至遷移巴圖爾額爾克

濟農之事前經奉

旨會議撤論將軍尼雅漢者甚明乃漫不經心延捱

時日直至十六日方始起行後格什等又遣人促尼雅漢等作速進兵而不急往窮追遂爾退

回應令兵刑二部各差官一員往訊尼雅漢等延捱時日失機等情取供到日再議奏入奉

旨此議太輕為將軍者俱如此違悞指授可乎即遣大臣鞠審嗣令刑部侍郎遵圖取口供奏至得

旨下該部議兵部議曰將軍尼雅漢於部撤到日不即星夜馳赴怯懦稽滯大失軍機應將尼雅漢

革去將軍並拖沙喇哈番不准折贖鞭一百副都統柏天郁稽遲怯懦大失軍機應將柏天郁

革去副都統郎中格什員外郎二郎保與將軍尼雅漢不能使巴圖爾額爾克濟農不致逃遁

未克濟事至巴圖爾額爾克濟農逸逃欲脫其罪推諉將軍尼雅漢深為不合應將格什二郎

保俱革職副都統党古禮病篤不會往還巴圖爾額爾克濟農應無庸議總督格思特係封疆

重臣部撤到日應即會同將軍尼雅漢等公議使巴圖爾額爾克濟農斷不逃遁或擒或殺始

為勝任乃於事無濟至巴圖爾額爾克濟農逸逃遣大臣往訊始云會諫將軍尼雅漢巧飾具

奏殊為不合應將格思特所加之級不准抵銷降二級調用奏入

上曰柏天郁格思特各降五級畱任速將軍尼雅漢至京擬絞監候格什二郎保革職尼雅漢等率往官兵令總督格思特暫轄駐扎寧夏護軍統領馬

喇補授西安將軍

甲午

命喀爾喀新降之衆暫仍其俗理藩院奏喀爾喀人等既與四十九旗同列則衆扎薩克自親王以下驍騎校以上凡請

安進貢奏事或遣使或親來俱應照四十九旗例土謝圖汗車臣汗旗內自王以下驍騎校以上凡

行事亦應與四十九旗同土謝圖汗車臣汗其身僅存汗號應令進九白之貢伊等使人乃令

照前例至折上尊丹巴庫圖克圖亦照前例奏入得

旨喀爾喀人等初降新行安插俟三年後依此議行折上尊丹巴庫圖克圖亦令貢九白

己亥

命撤歸化城預備兵上諭兵部曰歸化城兵無事當撤今值馬肥無事之際著都統郎坦副都統碩爾於在彼大臣內酌帶

一員沿邊直至寧夏延綏西寧往勘大軍可行可止之地至於巴圖爾額爾克濟農前者來歸給地

安插而養之助喀爾喀往征厄魯特竟不為効力且劫奪喀爾喀之事甚多灼知其必不能改故今

遷徙居察哈爾之地奈彼素藏禍心是以遠遁彼雖遁去朕以向加養育初無困之殺之之意欲居

何地惟其所擇但不得擾害邊塞地方可令達虎書此原由遣人往諭巴圖爾額爾克濟農著一併

議奏議曰今歸化城兵無事應撤但畱在歸化城之厄魯特尚未去應每佐領撥護軍二名火器

中華書局影印

營兵四百名照兵數派官在歸化城週圍暫駐餘俱撤回此所畱兵俟歸化城所有頭隊厄魯

特起程後即回其陝西調到大同宣府綠旗官兵亦令各回汛地前解大同宣府之礮仍畱大

同宣府外其歌往輕礮俱令帶回覓畱大臣伏候

上命應著達虎抄膳勅諭遣發巴圖爾額爾克濟農俟彼作何回覆即令奏報得

旨著都統喀代李正宗副都統田象坤郎化麟留後將軍印交與喀代參領諾爾孫達米納夸色蘇丹

古爾哈亦著與郎坦偕往著乘驛去勘視地方既畢著郎坦等一二緊要之人乘驛先來入奏後郎

坦等勒回復奏言

皇上所指諸地大軍行止無不允當壬寅將軍瓦代奏報回軍瓦代等奏至克魯倫

遇西卜退哈難巴圖爾納不扎爾托音伊等俱願來投鄂理肯等遍訪無蹤哨探噶爾丹消息

遁去已久遂於本月初四日回軍十八日進翁俄羅喀倫將入獨石口

丙午土謝圖汗請給腴田耕種土謝圖汗奏蒙皇上仁恩與子及所屬人民不勝懼忭今思得一

膏腴種植之地使我人民二十戶出力相助春耕以資朝夕乞

鑒恤上曰來年春理藩院遣官一員指授膏腴之地令其種植

閏七月丙辰總督格恩特奏報總兵官柯彩出邊勦殺厄魯特格恩特奏言甘肅總兵官柯彩呈稱副將陳祥昌等奉差哨探至昌寧湖見廬帳有五百餘不知蒙古人數職即調集官兵出邊征勦濟農之弟博吉遣格隆等數人來見言我博吉乃善人並不敢背負

皇恩欲假道以詣南山如不遣往請在昌寧湖牧馬職言汝既云不負

皇恩當遣

聖旨護送汝等至歸化城答以我牲畜皆疲決不能往職查奸彝博吉借名牧馬緩我軍機密通西

海諸蒙古以相救援今欲往西海其情顯然矣若不勦除終為後患一面將來差格隆監禁一

面報又據總兵官報博吉所屯昌寧湖乃邊外野地離邊一百二十餘里甚為遼闊且林木

茂密易於藏匿必四路進剿乃可滅此狡寇隨遣提標前營遊擊李士達等率官兵一千從南

方路入本標左營遊擊常應龍等率官兵八百從東南方路入本標後營遊擊杜思順等率官

兵八百從西北方路入鎮番參將張文輝等率官兵四百從東北方路入職與

欽差員外郎二郎保居中督勦分頭前進蒙古放鎗迎敵我官兵奮勇力戰大敗蒙古殺五百餘獲

傷者甚多生擒蒙古十五人博吉入林遁走又隨遣官兵躡蹤撲殺追百餘里天晚昏黑不可

驟入收兵回營所獲蒙古牲畜器械查明另報其前監禁蒙古額林辰索諾木者乃博吉之親

弟親子格隆者乃親信之喇嘛是以併生擒蒙古俱行斬訖捷報到臣查博吉乃濟農之弟在賀蘭山三百里中衛邊外牧馬濟農逃遁時不及同去即往昌寧湖見我官兵有備自揣難脫是以遣其子弟格隆緩我軍機以冀潛逃雖總兵官柯彩率兵出邊征勦蒙古實藉

皇上神威遠播官兵奮勇之所致也奏至得旨總兵官柯彩出邊籌畫遣發官兵分頭前進勦殺厄魯特人眾可嘉在事人員著議叙以開

己未嚴打箭爐貿易之禁達賴喇嘛疏言竊思博碩克圖汗往追折卜尊丹巴恐有乖

皇化乞遣回折卜尊丹巴士謝圖兩人不使及於惡前此所言非善巴陵堪布所私奏也實仰體

聖主之心自厄魯特喀爾喀以及衆生俱令之共享昇平也如有不合祈

睿鑒勿責至我打箭爐以外和占昌珠蘭等處前達法典兵大為擾害恐不當

聖心故不遣此地蒙古其打箭爐兩間之地雖奉有

著照前行之旨字係蒙古文漢人不識祈以漢文降

勅奏入下所司議理藩院議康熙二十八年十二月達賴喇嘛使人善巴陵堪布來口奏伊等起行

之前曾往達賴喇嘛所不令面見使立於達賴喇嘛所居戶外諦巴出謂伊等曰達賴喇嘛令

汝奏聖上乞擒喀爾喀士謝圖汗折卜尊丹巴庫圖克圖

投厄魯特噶爾丹博碩克圖庶於生靈有益若

此兩人之命我當保之其奏詞奉旨存案今達賴喇嘛奏乞遣回折卜尊丹巴士謝圖兩人勿及於惡等語非善巴陵堪布之所私奏應無庸議前者康熙二十九年達賴喇嘛因大

兵威力勦滅逆賊吳三桂衆皆歸化為良民請於打箭爐地方互市會許以地方平定之後照常貿易今達賴喇嘛以蒙古文漢人不識請以

漢文降勅諭令照前行事應撤該省督撫提鎮打箭爐貿易勿得生事擾亂併撤諭達賴喇嘛嚴禁其所遣

貿易人等勿得妄行生事上從之

命定火器營賞例兵部以八旗火器營兵丁擊敗噶爾丹之功議叙具奏

命議政大臣大學士八旗滿洲蒙古漢軍都統副都統集議議曰火器營兵排齊鹿角而戰不得與騎

兵相同在本旗之前先進者有上等次等三等之別若臨陣放鎗之衆兵丁向無一概議叙之

例然不議叙又無以鼓勵軍士是以將列陣形勢問之總管火器營都統諾邁等俱言齊排鹿

角每架撥什庫一人身帶小旗立於前其餘兵丁一一調進撥什庫指示放鎗接戰次執大纛

兵丁亦立而不動此兩種人最為緊要至鳥鎗手一齊接戰似應一概議賞查火器營帶小旗

之撥什庫及執纛之人既屬緊要則此交戰撥什庫等應各賞銀二十兩執纛之人賞銀十兩

向無兵丁一概議賞之例則概行給賞之處無

庸置議嗣後如仍排鹿角攻戰其戰功若以上
 一等議叙則帶小旗之撥什庫各賞銀三十兩
 執纛之人各賞銀二十兩若照此番軍功上等
 議叙則帶小旗之撥什庫各賞銀二十兩執纛
 之人賞銀十兩以軍功次等議叙則帶小旗之
 撥什庫賞銀十兩執纛之人賞銀五兩以軍功
 三等四等五等議叙則一槩不算若不用鹿角
 八旗騎兵與火器齊列擊敗對陣敵人則與騎
 兵相同在本旗大纛之前先進三人俟將軍大
 臣開冊送部照前進之例議叙又一議以為火
 器營兵一齊接戰

聖諭之所洞鑒似應將鎗礮兵丁酌量一槩議賞此
 番火器營放礮放鎗之人執纛之人帶小旗之
 撥什庫押礮披甲共二千九百七十七人應交
 戶部給賞又挽車步甲一百一人綿甲五十八
 人擡鹿角僕人五百七十九人共七百三十八
 人皆原文未開相應停給得
 旨放鎗礮之人著一槩賞銀二兩著為令挽車步甲
 綿甲擡鹿角僕人俱賞銀一兩
 九月丙辰

遣官督視噶爾丹使人啓行噶爾丹使人阿卜都喇
 寨桑察罕古英寨桑等訴稱前聞尼喇巴噶卜
 楚以九月到其時令我等同歸今尼喇巴噶卜
 楚或已亡故或竟不來我等豈能久待理藩院
 據以奏

聞
 上諭員外郎鐵圖乘驛往歸化城會副都統阿迪督

視啓行

丁卯達賴喇嘛陳情請罪先是以噶爾丹敗遁
 之後懼我各路大兵堵禦請罪盟誓情節遣伊
 什格隆齋

勅往諭達賴喇嘛至是達賴喇嘛疏言前者敬遵
 諭旨會遣噶爾丹西勒圖往和喀爾喀厄魯特值生
 靈有災之時至於敗亂不當
 皇上之心不能遂我初願凡諸
 諭旨皆是愛養喀爾喀離散之人誠

聖天子之洪仁也噶爾丹作亂追索折卜尊丹巴諸
 人而濟隆不能說止實為非是濟隆報文言已
 竭力論和兩家聽從立誓矣及見
 皇上有噶爾丹敗遁俯念衆生止勿窮追噶爾丹認
 罪立誓之

旨始知其實厄魯特不聽訓飭是以至此此地所遣
 人員有無知無識之處伏乞
 寬宥又使人德木本爾囊素述達賴喇嘛口奏之言
 云喀爾喀厄魯特交戰之前十謝圖汗噶爾丹
 等遣使於西海台吉各請助兵達賴台吉來告

於我我謂喀爾喀厄魯特皆我護法施主爾等
 和睦我則喜悅不得有所偏助也時於四川所
 屬打箭爐等地方令西海扎什巴圖爾台吉領
 兵駐防非有異念也其戍兵已早撤歸矣奏入
 上以達賴喇嘛向來恭順噶爾丹事差員及近侍通
 同蒙蔽非達賴喇嘛意也應賜勅諭之

勅曰爾奏噶爾丹作亂追索折卜尊丹巴等諸人而
 濟隆庫圖克圖不能說止實為非是濟隆報文言

已竭力論和兩家聽從立誓矣及見皇上有噶爾
 丹敗遁俯念衆生止勿窮追噶爾丹認罪立誓之
 旨始知其實厄魯特不聽訓飭是以至此此地所
 遣諸人有無知無識之處伏乞寬宥朕統御宇內
 以愛育黎庶為本務使萬邦共享安樂前聞喀爾
 喀厄魯特交惡相攻屢遣使於爾喇嘛以和爾圖
 爾喇嘛從來奉命不違敬順而行亦屢遣喇嘛說
 和奉差喇嘛諸人若能仰體朕與爾好生之意盡
 心行事則使喀爾喀厄魯特和好早息戰爭皆不
 至滅區矣但爾近侍與濟隆庫圖克圖等皆有私
 意不體朕與爾之心濟隆庫圖克圖身在噶爾丹
 營中並不說和噶爾丹藉追喀爾喀為名闖入邊
 汛劫掠烏朱穆秦諸地又不勒阻且噶爾丹與我
 軍交戰濟隆張蓋於山頂觀之况濟隆並未說和
 而報爾以為竭力說和聽從立誓濟隆之去朕面
 諭以告爾喇嘛之旨亦不行傳諭以前項事情揆
 之未必濟隆一人之意如此行事也爾近侍之人
 通同貪利而欺蔽汝洵庇噶爾丹之所致也爾豈
 有如是之心乎朕均見於爾喇嘛無涉是以朕不
 責汝朕與爾之心向來合一故將若輩行事違朕
 與爾之意遣勅使爾知之至噶爾丹乞兵於達賴
 台吉而不許駐防四川屬下打箭爐之兵盡撤已
 具悉所奏矣此勅交與來使德木本爾囊素齋去
 辛巳

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

授土謝圖汗養子濟克巴等為四等台吉時土謝圖
 汗以伊養子濟克巴乳母之子多爾濟扎卜阿
 必達伊妻乳母之子車陵蚌乞授職循理藩院

議以非例不在

上曰土謝圖汗懇請誠切授濟克巴多爾濟扎卜阿必達車陵蚌俱著為四等台吉勿為例

十月乙酉

命發鄂爾多斯諸旗兵預備

上諭侍衛阿南達曰朕思黃河水凍之時恐有巴圖爾額爾克濟農等流兵至我西邊喀爾喀地方應

令鄂爾多斯吳喇忒喀爾喀之墨爾根濟農郡王顧祿什希額爾克帶青郡王善巴公託多額爾德

厄人等於冰解以前備之且以探信著理藩院諸臣會同詳議具奏議鄂爾多斯六旗一百七十二

佐領內應令撥兵三千吳喇忒三旗三十佐領內應令撥兵五百扎薩克信順郡王善巴扎薩

克公託多額爾德尼扎薩克台吉圖巴丹津額爾德尼此四旗四十二佐領內撥兵五百又扎

薩克墨爾根濟農郡王顧祿什希扎薩克公蘇泰伊爾登扎薩克台吉墨爾根帶青車陵此三

旗二十四佐領內撥兵五百令所撥兵各備於其地台吉都統副都統等管轄人員俱量兵數

選擇材幹善約束者派出其鄂爾多斯貝勒末喇卜扎薩克信順郡王善巴扎薩克墨爾根濟

農郡王顧祿什希此三路每處撥官二員駐於適中之地探信其管兵人員即令前去部員閱

發有事則一面報部一面酌量調兵應援其總統三路兵之大臣伏候

上裁得

旨所議發兵甚善著阿爾尼吉爾他布諾木齊代馬

迪達賴英古巴扎爾畢雅思呼朗等去仍令阿爾尼吉爾他布主之伊等前去一切俱便宜行事

丁未提督孫思克奏報區處阿齊羅卜臧等劫奪之案先是遣侍讀學士達虎齋

勅頒賞策旺喇卜灘阿奴等偵探噶爾丹與彼等交惡情節歸至嘉峪關外被阿齊羅卜臧等劫奪

兵部檄令孫思克遣人諭羅卜臧等查切侍讀學士達虎及殺傷官兵之蒙古應正法者正法

應償還者償還如仍抗拒即行勦滅至是孫思克奏言阿齊羅卜臧者乃西海蒙古同族之人

撥發官通各遣人於西海善圖墨爾根台吉等頭目令阿齊羅卜臧遠取原劫牲畜等物不

意阿齊羅卜臧遠逃催迫不獲眾蒙古頭目雖各認請待草青再行追取

思阿齊羅卜臧未必從眾台吉之言酌議於勦滅噶爾丹之後視阿齊羅卜臧遊牧之遠近再請

旨勦殺奉旨依議今西海善圖墨爾根台吉等差人解還阿齊羅

卜臧所奪

欽差官牲畜器械問之來差蒙古答曰阿齊羅卜臧劫

欽差官員一案我眾台吉奉

聖旨各差寨桑追取阿齊羅卜臧牲畜我等追得阿齊羅卜臧馬三十二匹駱駝二十八頭蓋甲十

四副鳥鎗八桿撒袋十三副刀十六口弓二十張故眾台吉差我等解來竊思阿齊羅卜臧乃

凶惡無知之人去年狂妄橫行忽劫

欽差官員逆天之罪法所宜誅但前者撥發官兵殺役部四百餘騎獲馬駝牛羊千數以示

國法情罪亦略相當所劫馬駝盜甲物理合照數追取

奉部文遣官通於西海蒙古頭目眾台吉宣布

國威陳說利害令伊等往追西海眾台吉遣人於阿齊羅卜臧遊牧之地追取馬駝器械等物雖

不及原數但西海蒙古眾頭目差人言阿齊羅卜臧自劫

欽差官員以後人逃牲畜斃貧苦已極儘其所有追取解來先所劫牲畜物件俱已費盡其餘實不能

追又再三求代奏

皇上請免此特畏懼

天威求免日後之嚴查也

恩出

皇上非所敢擅議至所劫營馬先以茶馬補給兵

丁所劫盜甲以標裁兵所剩盜甲撥發令蒙古解還馬三十二匹

標營內喂養待有倒斃馬缺補給追來盜甲十四副亦貯標營內

待兵丁缺甲撥發至追來鳥鎗弓箭等物乃兵丁自置之物仍給肅州營兵外其賸解駱駝二

十八頭已非原物皆老而瘦小先是達虎等出邊帶去馬駝乃動支官庫採買者應將蒙古賸

解駱駝交與地方官估價償庫亦於原項有小補也得

旨孫思克此事區處極當一切邊務盡心籌畫効力殊為可嘉本內事俱如議

十一月戊午

授扎薩克圖汗之子克色克為輔國公扎薩克圖汗

之妻布尼達喇奏言

皇上出臨會閱我與我子巴郎二人望塵赴會欲訴

先祖父名爵及我汗身命被害兩大事而巴郎

倏爾身故續欲率其弟功格台吉以往而又病

歿屢遭變故不獲赴會今因扎薩克圖汗身命

被害及名爵之事迫欲叩陳攜六歲之克色克

台吉而來寡婦孤兒惟

聖上鑒恤此外他無所望奏入得

旨下所司議理藩院奏言今年會閱折卜尊丹巴庫

圖克圖土謝圖汗等攻殺扎薩克圖汗德克德

黑墨爾根阿海之事已降

勅寬宥其罪扎薩克圖汗之位已封其弟策旺扎卜

為親王矣且克色克年幼未及應授封之時所

奏扎薩克圖汗身命被害及名爵之處俱無庸

議奏入

上曰扎薩克圖汗被殺殊為冤抑所存止此一子克

色克從優授為輔國公

癸亥

命西安官兵移駐寧夏

上諭兵部曰陝西西安鳳翔所屬今年米穀無收特

遣學士布喀往勘今據回奏米價騰貴供應駐防

官兵糧料採買累民聞甘肅巡撫所屬地方米穀

有收應將西安官兵於收麥以前暫行移駐寧夏

則西安供應有餘亦於民有益爾部會同戶部核

議具奏議西安滿兵漢軍內應撥四千兵往駐寧

夏官則量兵遣發著該將軍總督相視寧夏等

處指出何地有糧暫於收麥之前駐守此兵原

係開任應將常給馬匹草料三分中減去一分

此所移駐官兵僕從口糧馬匹草料既在現住

地方支給則西安應停止給僅於所存人口給

以口糧至所餘住居西安之官兵馬匹應支草

料亦應減半支給俟收穀時照常給發如此則

採買糧料實為有益至統率此兵前往者於將

軍副都統內請

旨點定得

旨令將軍馬喇帶去

丁卯

命定從征迷失人等給身價例先是西安披甲額卜

特大小子因覓馬迷失兵部將署參領葉黑布

等擬罪具奏得

旨嗣後出兵迷失者作何給與身價併議定例具奏

至是兵部奏言葉黑布格美皆管兵奔蘭大參

領而甲兵額卜特大小子遺失馬匹往覓不歸

不即稟知大臣發官兵追尋越五日始言於理

不合應將佐領署參領葉黑布降二級調用拜

他喇布勒哈番兼佐領署參領大格美降一級

調用但格美有拜他喇布勒哈番之職無級可

降應罰俸半年免其調用甲兵額卜特大小子

迷失不獲其尸應照陣亡例給與身價葉黑布

格美怠玩已甚應將額卜特大小子身價銀兩

於葉黑布格美名下追給驍騎校署散騎校瓦

爾達係管馬之兵丁遇額卜特大小子既不收

畱又不遣人送回本軍應將瓦爾達罰俸一年

嗣後行軍之地兵丁有迷失者治罪及追給身

價俱照此例編入條例遵行

命下之日通行八旗包衣佐領及官兵駐防奉天等

處奏入

上從之

欽定古今圖書集成經濟彙編戎政典

第二卷目錄

兵略部彙考九十九

親征平定朔漢方略八

戎政典第二卷

兵略部彙考九十九

親征平定朔漢方略八

康熙三十一年二月辛卯西安副都統馬自德

請赴寧夏軍前自德疏言臣幼時即蒙

皇上養之恩歷有年所今新任滿洲副都統阿爾

泰傳

諭滿洲副都統西爾哈達速赴將軍軍前竊思臣身

現在陝省且寧夏亦有漢軍官兵理宜往赴寧

夏請

命前往庶得馳驅邊塞少効微勞矣

上許之

乙丑侍衛阿南達奏報巴圖爾額爾克濟農降

先是

上諭大學士伊桑阿阿爾泰等曰頃有喀爾喀杜稜

逃來言彼向在巴圖爾額爾克濟農之弟博濟所

博濟經我兵掩殺徒步逃至伊巴賴之地遇巴

圖爾額爾克濟農屬下祁齊克台吉等博濟取彼



馬及糶糶往覓其兄巴圖爾額爾克濟農食盡困
極自相竊奪現在厄濟內地地方厄濟內之地距嘉
峪關四日程云目下西安大兵正往戍寧夏可令
侍衛阿南達攜杜稜至寧夏會同將軍馬喇提督
孫思克及總兵官等詳議確探聲息如巴圖爾額
爾克濟農彼所居果近嘉峪關二郎保格什現在
彼地可即遣伊等前往招撫如抗拒不降即選發
滿洲綠旗兵勦除之至是侍衛阿南達等奏報巴
圖爾額爾克濟農降

上諭議政大臣赫爾達等曰覽侍衛阿南達等奏報

巴圖爾額爾克濟農已降將遣其子來朝但其人

未可深信或時序不宜馬匹羸瘦不得已而降令

其子來朝往返之際馬匹休息又復逃逝亦未可

定將軍馬喇提督孫思克等既身與逼近目擊情

形宜乘此機會共商徙入內地之策斷不可縱使

復逸尋馬喇等奏至言濟農下人共二千二百餘

口今雖絕糧窮困已極然臣等揆其情狀亦不

為此誠以

皇上鴻恩浩蕩不敢背棄即醜類色稜扎木素等亦

禁戢其下未嘗使窺邊塞兩次遣人陳情雖不

能上達仍望

皇上降旨收納是以臣等招撫之文甫到即不疑而

來降以此觀之不可謂之不向

聖化者也又查其弟姪博濟等諸台吉及屬下離散

之人俱在西海地方今所存不過六七百人且

復受巴圖爾額爾克濟農之降關繫遠人視聽

皇上懷柔遠人仁聲遐播不得不議所以保全之是

以曉諭地方官各隨宜捐助糧米給食至寧夏
其步行人千餘內有不能行者四百人撥內地
驢車運送若巴圖爾額爾克濟農本身將其下
羖目五十餘人與臣馬喇親從口內同帶往寧
夏必不使之再逃既至寧夏亦不問其願否即
令渡黃河彼亦無可如何矣但困窮已極倘不
給之糧騎實不能至歸化城伏乞

勅部遣官至黃河之寧夏渡口按人給騎計口受糧

令鄂爾多斯遞送即可至歸化城如此則寧夏

地方不必撥官兵押送矣奏入

命理藩院遣官一員至寧夏使巴圖爾額爾克濟農

少攜僕從乘驛而來沿途酌撥綠旗兵遞送俟朝

見後遣歸後巴圖爾額爾克濟農率其子雲木春

台吉至京

朝見

優賚而遣之

丙寅

命加提督孫思克太子少保並賜拜他喇布勒哈番

上諭兵部曰國家簡用武臣委任封疆重寄專期軍

民輯睦邊境又安其實有宣力累年茂樹偉伐則

旌庸之典必加渥焉甘肅提督孫思克久歷邊地

熟諳機宜當泰省用兵之時素著勞績自任提督

以來益殫謀猷實心幹濟惠愛洽于士卒威望警

乎外彝特需殊恩用昭寵獎著加太子少保給一

拜他喇布勒哈番以示朕展勳酬勞至意

癸酉

命原任郎中格什等仍留哨探侍衛阿南達等疏言

今巴圖爾額爾克濟農既降諸事已畢請撤回
郎中格什等得
旨本什偵探日久著回京命格什二郎保代彼駐扎
偵探

五月癸酉

頒喀爾喀眾扎薩克印理藩院奏喀爾喀既與四十
九旗同列應照四十九旗例給與印信請將土
謝圖汗車臣汗及親王策旺扎卜三部落分為
三路土謝圖汗部落為北路喀爾喀車臣汗部
落為東路喀爾喀親王策旺扎卜部落為西路
喀爾喀以土謝圖汗管北路中軍事扎薩克墨
爾根濟農郡王顧祿什希管北路左翼中軍事
扎薩克信順郡王善巴管北路右翼中軍事昆
都倫博碩克圖郡王滾布管北路中左軍事扎
薩克貝勒西第里管北路中右軍事扎薩克
公蘇泰伊爾登管北路中前軍事扎薩克公托
多額爾德尼管北路中後軍事扎薩克公汪舒
克管北路左翼左軍事扎薩克台吉車木楚克
納木扎爾管北路右翼左軍事扎薩克台吉丹
津額爾德尼管北路左翼右軍事扎薩克台吉
班珠兒多爾濟管北路右翼右軍事扎薩克達
爾漢台吉巴郎管北路左翼前軍事扎薩克台
吉衛徵諾顏阿玉璽管北路右翼前軍事扎薩
克台吉李塔爾管北路左翼後軍事扎薩克台
吉薩木濟忒管北路右翼後軍事扎薩克台吉
墨爾根帶青車陵管北路左翼下軍事扎薩克
台吉土巴管北路右翼下軍事以車臣汗管東

路中軍事扎薩克額爾德尼濟農郡王納木扎
爾管東路左翼中軍事扎薩克額爾克貝勒車
卜登管東路右翼中軍事扎薩克額爾德尼濟
農貝子布達扎卜管東路中左軍事扎薩克伊
爾登濟農貝子彭蘇克管東路中右軍事扎薩
克達賴濟農貝子阿南達管東路中前軍事扎
薩克車臣濟農貝子車卜登管東路中後軍事
扎薩克伊爾登濟農貝子達里管東路中下軍
事管理洪郭爾帶青旗務公悉都管東路左翼
前軍事扎薩克額爾德尼阿海台吉車林達什
管東路左翼後軍事扎薩克額爾克台吉塞稜
達什管東路右翼後軍事以親王策旺扎卜管
西路中軍事扎薩克郡王色稜阿海管西路左
翼左軍事扎薩克額爾德尼濟農郡王彭楚克
喇卜灘管西路右翼左軍事扎薩克察罕巴爾
諾顏貝子博貝管西路右翼右軍事扎薩克台
吉額爾德尼哈難巴圖爾滾占管西路左翼前
軍事扎薩克車臣台吉吳爾占管西路右翼前
軍事扎薩克墨爾根濟農台吉索諾木伊思扎
卜管西路左翼後軍事扎薩克台吉額爾德尼
滾布管西路右翼後軍事俱各授之印信奏入
得

旨土謝圖汗車臣汗暫停給印餘如議

六月己丑

命遷喀爾喀羅卜城賽音台吉暫駐歸化城周圍地
方先是

上諭侍讀學士達虎曰聞羅卜城賽音台吉在西寧

欲來而不能來此乃歸降於我之人殊為可憫著
交與所司理藩院議羅卜城賽音台吉不能前來
臣衙門差官二員乘驛而往將西海諸台吉所
有羅卜城賽音台吉子女人畜盡行收來使之
完聚目前時序未宜令暫查明造冊齎送如無
食則支寧夏倉所貯之米每口給米五倉斗如
無馬匹難以遷移則轉檄甘肅巡撫扣數給與
馬匹酌量投地暫行安插目前交與寧夏總兵
及地方官照料至來年草青時應於何地安插
另行請

旨

命下之日 衙門檄知甘肅巡撫寧夏總兵官可也
隨遣內閣侍讀海三岱遷羅卜城賽音台吉暫
駐寧夏邊外至是理藩院奏據海三岱報稱羅
卜城賽音台吉已安插寧夏邊外每口給倉米
五斗矣復稱羅卜城賽音台吉牲畜已盡無力
前來應 衙門遣官一員將羅卜城賽音台吉
及其子女屬裔給驛自寧夏送至鄂爾多斯自
鄂爾多斯驛送歸化城附近安插俟羅卜城賽
音台吉到日再議授職

上從之

癸卯

免厄魯特台吉那齊克等死令與巴圖爾額爾克濟
農完聚提督孫思克疏言據總兵官潘育龍報
稱台吉悉都既與巴圖爾額爾克濟農一同來
降又與羅卜城額林臣那齊克等潛謀逃亡欲
赴策旺阿喇布灘所已發官兵追剿之矣 臣按

愁都等蒙古根子野心叛服靡常潛謀逃遁今官兵追至庫勒圖地方愁都雖遠遁已殺其部落四十餘人擒其男婦大小一百二十人獲其馬馳一百二十餘匹足以振

國威而懲諸彝矣但祁齊克一人自稱台吉同謀逃遁理合正法至陣擒四十三人隨祁齊克之九人亦應正法然此輩俱係奴僕其主欲逃不得不從之而去罪雖當死情似可原應否寬宥及蒙古妻子應否解京處置所獲馬馳牛器械等物應否賞給有功官役謹奏以

聞部議祁齊克宜正法宥其從人妻子解京其馳馬等物賞給有功將士奏入

上寬祁齊克死免妻子解京令奧巴圖爾額爾克濟農完聚餘如議

七月壬戌筆帖式常壽等報伊拉古克三庫圖克圖逃遁先是伊拉古克三庫圖克圖請自察罕托會遷其父吳巴什及弟子往居宋拉布貝勒地方

上不許令遷歸化城尋伊拉古克三以其父病故奏請安葬

上立限期遣理藩院筆帖式常壽偕往遷其弟子至是常壽報云五月初八日同伊拉古克三至察罕托會地方問伊拉古克三曰爾弟子何日發往歸化城對云我以父歿奏

上蒙給三月假來時須一日往時須一月歸時須一月今未及二十日行期如何可定至一月後復促其速遣諸弟子起行伊拉古克三曰今欲從

鄂爾多斯而往則自此渡黃河必需十日行路需半月及渡歸化城黃河渡口又需三四日且既渡黃河鄂爾多斯之地又無水草故不便從鄂爾多斯而行我等若渡黃河必則兩三日內可以畢渡沿黃河涯而去水草又佳一月內可抵歸化城我將率弟子於是月十二日起行常壽親視伊拉古克三及其弟子渡黃河岔畢謂之曰取我坐馬來與爾偕行伊拉古克三曰不便同往此路無蒙古部落雖有喀喀爾而無驛站我弟子亦無餘騎汝自從鄂爾多斯而往可也七月初十間當與我會於歸化城常壽再四索馬竟不之與又不便擅取馬於鄂爾多斯而與伊拉古克三偕行不得已來至鄂爾多斯六月二十六日到歸化城欲於七月初十日往迎伊拉古克三初九日有齋喀爾喀善巴王印文而來者乃伊拉古克三弟子吳巴什也據言伊拉古克三身率諸弟子北去我則逃回常壽即赴善巴王所探其虛實又據王善巴報文云伊拉古克三奔走之人吳巴什六月二十九日來

此隨已遣行外仍急遣章京多爾濟諭察罕托會之鄂爾多斯白蘇特喀喇城諾顏博貝等云此事果實爾等當隨蹤往追如往投噶爾丹則我等當從古爾班賽罕往覓其蹤吾身亦起行往追之矣理藩院據報入奏得

旨常壽著速問伊拉古克三弟子及屬下人留之無益可令查其徒眾隨彼去蹤遣之著大學士等會議具奏隨議筆帖式常壽乃特遣與伊拉古克三

同往同來者也見彼屢次推辭不來之狀不即以此情形報部目觀其渡河而自回歸化城應將常壽革去筆帖式交刑部從重議處至伊拉古克三

皇上授以總領喇嘛班第之職參養已深理宜効力圖報而竟逃歸大千法紀或逃往達賴喇嘛處或逃往西海處俱未可定應檄甘肅提督孫思克詳探如遇彼逃去即行拿解如或抗拒即行勒殺併西海諸台吉亦應遣文諭之至伊拉古克三既逃京城有從厄魯特攜來格隆五人班第五人平人四人幼童二人婦女一人俱應隨彼去蹤遣出境外再遣官一員往查歸化城中有從厄魯特攜來格隆班第平人亦照此例遣出境外伊拉古克三所收

京城歸化城旗人及喀爾喀人等為格隆班第者俱交墨爾根綽爾濟安插寺廟平人各歸原主

京城及歸化城中所有伊拉古克三家產牲畜什物入官交內務府

上從之後筆帖式常壽擬絞監候

命喀爾喀格楚兒喀屯附於鑲黃蒙古旗下格楚兒喀屯以屬裔來歸

上曰格楚兒喀屯既有屬裔佐領著居口外應附何旗安插兵部議奏隨議查上三旗游牧地方察哈爾內鑲黃旗蒙古人丁缺額應將格楚兒喀屯及其兩孫並屬裔一佐領附於鑲黃蒙古旗下

部遣官往遷侯到日交該旗安插至格楚兒
喀屯屬裔有佐領官阿南達騎校札木巴拉
另戶蒙古壯丁八十六名家下蒙古壯丁四十
三名應將一百二十九丁編為一佐領此佐領
內已有舊管官員不必再設其護軍校前鋒護
軍驍騎俱照察哈爾例補充

上從之
八月戊戌以江寧將軍博濟調補西安將軍時
西安將軍馬拉病歿故有是

命
九月戊申提督孫思克奏報員外郎馬迪等為
噶爾丹屬下蒙古所害孫思克疏言
欽差員外郎馬迪既至甘州言迪奉

命往使於策旺阿拉卜灘如提鎮標下守備千把等
官有願隨行者許迪攜之而往其兵丁亦令酌
量帶去臣即與馬迪議撥臣標兵十名肅州鎮
標及各路兵二十名臣與肅州總兵官潘育龍
遊守千把等官共捐助每人馬各二匹駝各一
頭併給食物其願隨行者有臣標中營守備高
天福肅州總兵官標下右營千總馬惟恆撥隨
馬迪出嘉峪關而去今據肅州總兵官潘育龍
呈稱鄉導蒙古巴素隨馬迪前去今歸報云馬
迪諸人行至哈密地方距城五六里許駐劄有
噶爾丹屬下蒙古五百忽攢撲殺馬迪及筆帖
式諸人盡劫馬駝行李而去執原任郎中格什
守備高天福千總馬惟恆併受傷未受傷兵共
二十四人到哈密城未知存亡據報以

聞
辛酉
命遣兵備大同先是撥每佐領鎗手護軍各一名前
鋒親軍護軍各十名漢軍火器營兵二千給與
修整器械銀各十兩左翼撥都統阿什坦宗室
公華善護軍統領噶爾馬副都統噶爾璧碩代
納親方格火器營撥都統鄂倫代副都統孫徵
灝右翼撥都統巴渾德希福護軍統領蘇丹副
都統鄂克濟哈趙山達軍阿龍什庫火器營撥
都統諾邁副都統李林隆前鋒撥統領碩爾在
京預備至是

上諭大學士伊桑阿阿爾泰等曰著將現備兵內每
佐領撥護軍七名前鋒四百名火器營一半於十
月下旬遣往大同養馬整備應遣大臣兵部奏聞
除隨駕護軍一名及京城備兵之事亦著議奏議
曰遣往大同預備之兵除前所撥預備兵內隨
駕從圍每佐領下護軍一名所餘護軍七名俱令遣
往每旗應遣護軍參領五員每參領下遣護軍
校五員前鋒四百每旗或前鋒參領或前鋒侍
衛各一員前鋒校各三員火器營兵一千每翼
或協領或參領各二員每旗章京各三員驍騎
校各三員此軍於十月下旬發行起行日期交
欽天監選擇此軍係在口內養馬駐備其行糧
草料交戶部照例給發至京城所備現剩前鋒
四百名每佐領下撥親軍各一名鎗手護軍各
一名驍騎各二名火器營一千名於此再增撥
每佐領下護軍各二名預備此項增撥護軍人

等亦照賞銀十兩所備之礮及因礮所撥都統
副都統官兵包衣官兵依舊預備既增發護軍
各二名則每旗應增撥護軍參領各一員每參
領下撥護軍校各二員所備大臣內應遣何人
往備大同應撥何人預備京城伏候
上裁得

旨著都統希福阿什坦護軍統領蘇丹副都統噶爾
璧鄂克濟哈趙山方格火器營都統諾邁副都統
孫徵灝去以希福為將軍授之勅印以護軍統領
噶爾馬為前鋒統領遣之前去雷前鋒統領碩爾
於預備軍中餘如議尋兵部以遣往大同兵所撥
大臣內應以何人為參贊奏請

乙丑
上命都統諾邁護軍統領噶爾馬蘇丹為參贊

命酌減備兵時噶爾丹遣使額爾德尼綽爾濟等奉
表請
安入貢

上諭大學士伊桑阿阿爾泰等曰覽噶爾丹奏詞語
恭順並無不軌之意詢諸來使亦無他故今備兵
而無所用似乎徒勞士卒然噶爾丹非可信之人
如不之備萬一有事又貽後悔應備與否爾等與
議政諸臣會議具奏噶爾丹斷乎不來然備兵
不過略費錢糧並無所勞苦也如有警息自此
出兵較自大同前行甚便且所備之兵俱已實
給銀兩此軍似仍預備大同為宜至目下並無
實音則京城前所預備之兵仍應預備後增撥
護軍二名應請停止奏入得

旨遣備大同每佐領護軍七名內減去一名雷於京城預備兵內後增撥護軍二名著停止

戊辰

勅諭噶爾丹及達賴喇嘛時噶爾丹疏言前為折上尊丹巴士謝圖汗之故陳奏三言乞以一言為定初意即欲往請

弘仁發回七旗於故土止因地方既遠糧騎不足且我未歸之前凡所雷輜重俱被策旺阿喇卜灘劫去諸物無存今惟恃達賴喇嘛之恩得以安集謹將我從前遲久之處遣使陳奏請

勅裁斷奏至

賜噶爾丹達賴喇嘛勅

勅諭噶爾丹曰朕撫馭天下惟欲率土無事各享安樂原不欲與戎耀武荼毒生民今爾疏稱為折上尊丹巴士謝圖汗之故上奏三言乞以一言為定併請發回七旗於故土前者爾喀爾喀厄魯特交惡相攻朕念兩國皆奉貢之邦不忍坐視黎民塗炭遣使於達賴喇嘛令屢諭爾等和好爾不奉朕旨及達賴喇嘛之言朕伐喀爾喀七旗喀爾喀人等紛紛離散各無衣食皆來歸朕求生然爾達朕之旨朕並未嘗以介意乃爾復以追喀爾喀為名深入我邊徼直至烏蘭布通地方及發兵問故爾兵輒先擡臂我軍始與之戰爾大敗窘迫跪於威靈佛前誓不犯中華皇帝屬下喀爾喀以及眾民印文誓書現在且濟隆庫圖克圖亦在及伊拉古克三庫圖克圖往爾處爾頂禮達賴喇嘛所遣佛像而設誓曰我斷不違旨矣前者深入邊境已自

知罪佛在此而敢不以我罪為罪乎聖上即佛天也乞姑宥我所奏亦甚明朕以爾言為信遂止各路軍馬不使窮追此亦爾所灼知也喀爾喀人等窘迫來歸若不收養則皆至死地是以朕親出閱安插近邊給糧米畜產以活之今尚窮困未甦死亡殆盡或一旗僅存數人喀爾喀並無糧畜如遣回故土誰養之乎且喀爾喀人等皆明知饑餓而歸死乎前以養喀爾喀之故曾勅達賴喇嘛遣諭爾等達賴喇嘛亦甚喜奏言喀爾喀如此窮餓博施惠養與佛慈悲同行聞之不勝懼怖博碩克圖原當從濟隆之言而竟不從大君宜責而誅之乃俯憐衆生有如赤子復垂恩宥今以其疏發汝汝其視之若達賴喇嘛致書於爾或有異言爾亦陳奏可也前聞策旺喇卜灘與汝不睦流言未審虛實是以遣學士達虎等往問策旺喇卜灘請朕加恩故遣員外馬迪等往頒恩賜並不欲敗汝事而遣之也所差馬迪既為爾之人所害勅書現在爾所爾視之自不謬也今嘉峪關報稱馬迪同行之人名巴素者歸告曰我等八月十一日行至哈密有厄魯特噶爾丹屬下圖克齊哈什哈爾海達顏額爾克兩人為首率兵五百許奪去員外馬迪等馬駝行李戕害員外郎馬迪及筆帖式檢什庫等其他兵卒亦有被掠者亦有聞於哈密者從來爭戰之國無害往來使人之理烏蘭布通地方爾雖與我軍拒戰然前所遣使人察罕古英寨桑阿卜都賴額爾克寨桑等千有餘人俱遣大臣送出境外歸還於汝果宜加害則爾目下所遣使人朕

即不許歸何不可乎爾前所奏言朕許以折上尊丹巴士謝圖汗界汝此小人欲自脫其身而以此言耳果有此旨豈不早諭汝乎况執來降之人以界誰人有是理乎前亦嘗以此論汝矣今爾背棄誓言索我降人喀爾喀害我奉差策旺喇卜灘之使臣馬迪諸人以此觀之是爾陽奉達賴喇嘛之言而陰違達賴喇嘛之命全棄誓言生事起覺彰彰明矣達賴喇嘛會令汝犯我使臣索我降人乎尤喀爾喀人等朕已養之數年方且俟其生聚將擇可居之地安插之爾如此背誓生事本應不納爾使逐之歸去但念爾使皆係小人必至困迫是以放入仍使貢獻市易今將爾背誓及爾人害我使臣之事詳開勅中發爾使沙哈孫巴克綽爾殷下齋往其餘俟市易畢遣歸其即查明害我使臣之事及汝欲陳之言具疏與現在羈留之人一併奏遣朕當熟籌一策焉以上情事已頒諭達賴喇嘛矣

勅諭達賴喇嘛曰朕奉承天命統馭萬邦惟以人民得所為至願是以率土有邦無不恪恭來享亦無不遵朕詔旨爾喇嘛領奉佛法濟度衆生西域蒙古亦曾奉爾喇嘛之教朕與爾道法本一心志亦同是以喀爾喀厄魯特之事朕多與爾喇嘛商量前聞厄魯特喀爾喀交惡相攻朕遣使於爾喇嘛欲與汝共息其爭使相和好爾即欣然發使同往噶爾丹所不啻三四矣噶爾丹竟不遵我諭和之旨而破喀爾喀以致喀爾喀窮極流亡無衣無食匍匐歸朕以求活然朕猶未

嘗因拒命之故有惡於噶爾丹其後噶爾丹復借追喀爾喀為名深入我邊境直至烏闡布通及發兵問故噶爾丹兵又先犯我顏行我軍始與之戰噶爾丹大敗不得已跪誓於威靈佛前謂永不犯中華皇帝屬下喀爾喀以及眾民誓書印文具在見証濟隆庫圖克圖亦在迨伊拉古克三庫圖克圖前往噶爾丹頂理爾喇嘛所遺佛像而誓曰我斷不復違旨矣深入邊界實我之罪佛在此敢不自服乎聖上即佛天也乞終有我所奏甚明朕以噶爾丹誓言為信止各路軍馬不使窮追此亦噶爾丹之所明知也以勅諭爾喇嘛不啻數次矣喀爾喀人等困極來歸若不收養則皆死亡是以朕親出閱安插近邊給糧畜以養之今尚窮困未甦僅有七旗之名死亡殆盡有一旗僅存數人者喀爾喀並無糧倘遣歸故土其誰養之豈有明知饑餓而肯就死地者乎前以賑濟喀爾喀之故會勅諭爾喇嘛亦遣諭噶爾丹爾喇嘛亦甚喜言喀爾喀如彼窮餓全而活之真佛之慈悲也聞之不勝懼怖博碩克圖原應從濟隆之言而竟不從大君宜責而誅之乃俯恤衆生有如赤子仍加恩宥汝奏尚在今噶爾丹違棄誓言云為折上尊丹巴士謝圖汗之故上奏三言乞以一言為定發回七旗於故土又前聞策旺喇下灘與噶爾丹不睦流傳之言未審虛實故遣學士達虎等往問其故策旺喇下灘請朕加恩勿絕乃遣員外馬迪等往頒恩賜並非欲取噶爾丹之事也今嘉峪關報有員外郎馬迪同行之人名巴素者歸告曰我等八

月十一日至哈密有厄魯特噶爾丹屬下圖克齊哈什哈哈爾海達顏額爾克兩人為首率兵五百許奪員外郎馬迪之馬駝行李器械殺害員外郎馬迪及筆帖式撥什庫等其他人等亦有被擒者亦有留於哈密者從來戰爭之國無害往來使人之理烏闡布通地方噶爾丹雖與我軍拒戰而噶爾丹所遣使人察罕古英寨桑阿卜都賴額爾克寨桑等千有餘人俱命大臣送之出境遣歸噶爾丹且喀爾喀人等朕方欲養之數年待其生聚擇可居之地安插之噶爾丹背棄誓言奏索我措置已畢之折上尊丹巴士謝圖汗又將遣往策旺喇下灘之使臣戕害以此觀之誠反覆奸頑之徒也已將彼罪備開勅內付其貢使齋往令彼覆奏噶爾丹陽奉爾言肆為欺罔陰則不從爾言不奉爾教生事妄行彰彰明甚不知爾意以為何如今以噶爾丹生事朕朕馬勵兵治具已畢俟噶爾丹回奏以決一策特以此故命伊什格隆齋勅諭汝知之

十月辛卯

論大同暫停備兵

上諭大學士伊桑阿等曰近欲發兵備大同但天時寒冷若竟無事則士卒徒勞倘不加預備萬一有警又恐不及朕意欲暫停發兵至大同以現在京城喂養之馬駝驅往大同飼秣如有當行之事立發京城所備之兵星馳而往即乘所飼之馬似於事無悞爾等可集議具奏隨議奏言

之糧請以每佐領所喂駱駝一頭馬六匹再增馬四匹共得一萬二千有餘但在大同一處牧養恐不能容查宣府亦有米糧應將馬駝分五旗於大同分三旗於宣府交直撫晉撫撥賢能道府分附近州縣喂養勿致病斃如豆不足以米代之其解送此馬駝者每佐領下派撥什庫驍騎每參領下派章京每旗派參領按旗起程解往更撥戶兵兩部司官將馬駝面交地方官喂養此馬駝於途中每站支空草一束喂之凡喂此馬駝者照京城喂養之法自初喂日起每馬駝給料八倉升草七勛兩月滿後減二升再喂一月後又減二升至來年三月再奏請

旨奏入
上是其議著將每佐領現養駱駝一頭馬六匹發往宣府大同喂養所增馬四匹令於京城喂養暫停發兵往備大同

乙未
命罷備巴圖爾額爾克濟農之兵先是以備巴圖爾額爾克濟農之故撥鄂爾多斯六旗吳喇忒三旗喀爾喀七旗共四千五百名各在本地預備至是理藩院奏言今巴圖爾額爾克濟農業已歸誠向所備兵伏乞罷之

上曰可罷備兵令吉爾他布等遠展哨汛以探聲息
十一月丁卯發
勅諭噶爾丹時噶爾丹之使額爾德尼綽爾濟色下登額爾克白等挾噶爾丹書劄散布內屬蒙古上聞之乃發

勅諭噶爾丹

勅曰朕統御萬邦惟願天下之民共享昇平無生事無作亂兼容并包誠心撫恤殘刻之事素所不為諸國遠人誠能恭順職貢不改其常朕益加愛惜施恩不絕若陽奉陰違狡詐百出者朕未嘗不知亦不究竟每從寬教戒冀其改悔自新是以中外之人無不踴躍向化雖極隱密之事必來奏聞無敢欺蔽今爾所遣奉貢使人持爾書來與朕屬下蒙古告以爾語皆以奏聞於朕朕盡知之矣此等誦詐祇自欺取禍而已何能欺人且朕屬下蒙古皆世受養養厚恩豈能負朕而墮汝計乎據爾書云為宗喀巴之法而行朕不得不將護持宗喀巴之法為之宣布本朝龍興之際與達賴喇嘛道一風同延召達賴喇嘛至京此天下之所共知也康熙八年達賴喇嘛疏稱前蒙皇上惠賜臣勒印仗一統大君之仁慈平治土伯特國三部落而紅帽帕克木取兩族之人而去請將伊等還歸於噶爾馬朕即降旨特遣官取紅帽帕克木發還康熙十三年達賴喇嘛疏稱巴忒馬三寶瓦巴克什之經請勅諭中國僧俗勿得誦習朕即降勅禁止僧俗概不許誦習康熙十八年達賴喇嘛疏稱自聖主三朝以來道一風同謹將平治漢人土伯特蒙古之要略奏請睿覽其奏尚在累代以來宗喀巴之法達賴喇嘛之教與朕相符是以朕此地所行皆宗喀巴之法達賴喇嘛之教喇嘛班第所服皆黃帽所誦皆達賴喇嘛之經朕之敬禮若是爾喀爾喀厄魯特未必如朕之敬禮宗喀巴之法與達賴

喇嘛之教也且達賴喇嘛洞見朕護持宗喀巴黃帽之法而深信服故凡事直陳無隱朕亦以蒙古諸事與之共決歷年通使不絕於此可以知朕與達賴喇嘛道法合一久矣爾喀爾喀厄魯特之人陽則誣言為宗喀巴之法達賴喇嘛之教而行陰則違之率土皆知爾前者敗於烏蘭布通之時爾屬下人皆驚懼而誘汝俱請降朕朕素無離間害人之意是以准爾誓書訓爾等以依常安處勿懷異心此伊拉古克三庫圖克圖所深知也至於策旺喇卜灘雖聞與汝不協朕但恤其貧苦加之以恩而已未有使與汝惡之意此皆至實之情朕思爾斷無此等誦詐之事必爾下人及爾使人欺爾而離間之耳然若輩如此行事豈使汝善全之意乎爾當熟計之朕凡有所聞見即與宣說向無隱諱特開始未降勅諭爾知之此勅交與來使齋往

戊辰烏喇佐領畢立克圖以噶爾丹使人所授書出首先是噶爾丹於烏蘭布通之地為我軍所擊走內大臣蘇爾達與土謝圖親王沙津達爾漢親王班第等共商遣阿喇善下人俄齊爾等令止噶爾丹於是眾皆疑科爾沁以為已附噶爾丹矣將軍薩卜素傳郭爾羅斯吳爾圖納蘇圖台吉之言亦疑科爾沁密奏其有異心上以科爾沁臣服已久斷無此意略不之疑至是烏喇佐領畢立克圖往厄魯特館中遇噶爾丹使人濟爾哈郎格隆見之問爾為誰畢立克圖曰吾乃科爾沁台吉濟爾哈郎格隆又問曰爾識

土謝圖王否畢立克圖曰我係土謝圖王親信之人濟爾哈郎格隆遂延畢立克圖入其廬飲之酒使誓於佛前出書一封授之令致土謝圖王復贈畢立克圖貂皮一張猩猩氈一件畢立克圖以其事密旨上取其書留中不令宣露

甲戌

授提督孫思克振武將軍時孫思克以軍政自陳上曰孫思克自備用提督以來克副委任和輯兵民殫心籌畫久鎮巖疆勞績懋著深為可嘉著加授將軍彈壓地方以示朕獎勵勞臣之意尋授振武將軍

將軍

十二月壬寅發官兵駐防右衛

上以西北有警前命戶部尚書馬齊兵部尚書索諾和往勘歸化城駐兵之地至是馬齊等奏言臣等往歸化城時恭請

訓旨奉

命將內外地方加意詳勘等欽遵至大同見所屬右衛地方離殺虎口十七里殺虎口離歸化城一百八十里右衛與歸化城相近移右衛人民出城外令住郭內城中蓋造房屋可以駐兵口外迤北五十里東西五十里內所有熟荒地畝近者給兵遠者給大臣官員歸化城小地荒田鹵難以耕種歸化城西南三十四里外則為渾津村村南十里外有渾津巴兒哈孫舊城基址城北有大土爾根河向西而流四圍三里餘宜展此城將北面從河邊向南二十丈為城北址

一面三里築土為城造房駐劄官兵城之四圍
所有田地可取以給官兵耕種奏入

命議政諸臣議曰歸化城之渾津巴兒哈孫無城
右衛現有城且近歸化城大宜駐兵其往駐時

應撥每佐領護軍三名驍騎三名漢軍火器營
兵一千駐劄撥發時有父子兄弟為親軍前鋒

情願往駐者則令本佐領內護軍驍騎更代遣
往統以將軍一員每翼護軍統領各一員滿洲

副都統各一員漢軍副都統各一員每旗協領
各一員佐領各七員拖沙喇哈番等官各七員

驍騎校各七員其協領以實授參領遣往護軍
每旗以實授護軍參領各四員護軍校各七員

漢軍一千名以每翼協領各一員每旗佐領各
二員拖沙喇哈番等官各二員驍騎校各二員

令其約束每佐領撥發什庫六名護軍撥什庫
驍騎仍照京城例給以錢糧駐兵既發之後按

缺補足其喀爾喀阿爾薩蘭帶青等人丁共二
千八百九十七名三丁合披一甲可得甲九百

六十五名以五十名為一佐領共計編成十九
佐領滿齊忒郡王達爾馬吉里第旗下兵丁四

百六十一名亦以三丁合披一甲共甲一百五
十四名編為三佐領所餘人丁作為附丁此所

編佐領中選擇材幹善於約束之台吉頭目授
以佐領驍騎校附歸化城土默特兩旗在歸化

城四圍遊牧再撥綠旗馬兵一千步兵二千駐
劄設總兵官一員標下立為五營每營設遊擊

一員守備一員千總二員把總四員其總兵官

候

上簡投遊擊以下官員聽總兵官選品缺相當者具
奏兵丁於本地招募此綠旗兵駐劄之地衙署

房屋器械糧餉草料等項俟滿兵往駐之日再
議如有事當行此新設總兵官及宣大兩鎮標

下官兵俱聽將軍調遣將軍以下佐領以上大
小官員口糧及馬之草料一概停給以口外五

十里以內荒地給之自力開墾至護軍校驍騎
校及兵丁俱給以田或僕從鮮少難以力耕則

護軍校驍騎校兵丁停給給以口糧草料夏秋
停給草料令在口外牧放至所給拖沙喇哈番

等官之田撥遣大臣官員至殺虎口外開墾耕
種右衛城內所有民房俱給價購買安插官兵

其房屋不足令該撫擇賢能官於城內照數增
造給之所需錢糧俱動支正項造房工畢再發

官兵往駐奏入

上曰城內居民若令移於郭外必致困苦可勿令遷
移照常居住若造官兵房屋城內難容即於城外

建造此軍有事即行不必投田大臣官員亦宜給
與口糧馬給草料若動支錢糧建造官兵房屋必

致累民亦不得速竣應照湖灘河朔運米例捐造
著再議隨議此項駐劄官兵應給以口糧及馬匹

冬春二季草料夏秋停給草料令其牧放其口
糧草料一半折給一半本色但大同府一年所

徵本色米撥給本地綠旗兵所餘無幾應停徵
地丁銀改徵本色米豆草束以給官兵一半之

本色官兵所住房屋間數應視朔州例給之城

內民居不必遷移官兵住房城內不敷則於城
外建造綠旗官兵住房亦令建造此項建造房

屋俱令捐助餘如前議

上曰右衛駐劄滿兵原為遇有機曾即時遣發故滿
兵務使勢力有餘至於綠旗官兵遇調用則宜大

綠旗兵在近調發甚便停其添設其缺以滿洲官
兵增駐可也所發護軍之缺應即補足代充驍騎

火器營兵之缺應行停止官兵住房止交捐助者
蓋造斷不堅固宜仍撥在駐大臣官員監修仍著

覆議議應停增設綠旗官兵其缺於前發每佐領
護軍三名再增護軍三名驍騎三名再增驍騎

一名計每佐領兵為十名使之往駐其護軍每
旗發實授護軍參領七員內以一員為夸爾大

設護軍校十四員以領之駐兵既撥之後其護
軍之缺補足驍騎火器營兵之缺不必補足造

房之時撥工部堂官一員駐防大臣內每翼一
員每旗護軍參領一員滿洲蒙古章京各一員

每翼漢軍章京各一員監造得

旨每佐領減去護軍一名驍騎一名餘如議隨授都
統希福為建威將軍噶爾馬為左翼護軍統領

四格為右翼護軍統領方格為左翼副都統馬
七為右翼副都統張素義為左翼漢軍副都統

吳典祚為右翼漢軍副都統令駐右衛
甲辰以羣疑科爾沁密奏情事開誠
面諭時各部落諸王台吉以元旦來朝
上召集科爾沁諸王台吉

論土謝圖親王沙津等曰昔烏闌布通之役內大臣

蘇爾達及爾等共商道爾屬下人俄齊爾等於噶爾丹衆皆疑爾等已附噶爾丹矣將軍陸卜素等亦皆疑之曾密奏以爲爾等有異心後又有烏喇佐領畢立克圖以噶爾丹遣爾等之書密首朕思爾科爾沁自

太祖

太宗時歸附世世職貢相爲媯親歷有年所爾等斷無此意朕略無所疑果有可疑亦不如是顯然宜諭爾等矣

明諭之頃沙津免冠叩首奏曰衆皆疑我科爾沁有

異心既有密奏而畢立克圖又舉首噶爾丹之書蒙

皇上仁恕略不疑我科爾沁反顯然

明諭臣亦何所措詞但效死以圖報

聖恩之高厚而已且內大臣蘇爾達原欲差臣之人

於噶爾丹臣不之從蘇爾達遂與達爾漢親王

班第及臣公同商議差阿喇善之人俄齊爾臣

等世蒙

聖上寵遇優隆臣等豈有萌此意之理其科爾沁衆

台吉亦皆懼忭叩首奏曰謂科爾沁俱附噶爾

丹則臣等亦皆在其中矣若非

聖上洞鑒此情則臣等寃抑何能自白臣等實無此

意